

414. HYPOCHOERIS. LINN. (*L.*)

LINN. *gen. pl. ed.* SCHREB. *II.* p. 533. No. 1246. —
GAERTN. *II.* p. 570, *t.* CLIX. *f.* 7. (sub *Achyrophoro.*) — LAM. *ill. t.* 656. — SCHKUHR *t.* CCXXV.

Anthodium polyphyllum, imbricatum. Receptaculum paleaceum. Pappus plumosus; radii sessilis; disci stipitatus.

1. HYPOCHOERIS MACULATA. *Linn.*

H. hirsuta, caule subaphyllo subunifloro, foliis radicalibus oblongis dentatis, anthodii squamis lanceolatis hirsutis.

H. maculata. *Linn. Willd. Spec. pl. III.* p. 1620. —
Spreng. Syst. veg. III. p. 669. No. 8. — *Patrin Florul. barnaul. Mss.* — *M. a Bieb. Fl. taur. cauc. II.* p. 260. No. 1628. — *Besser En. pl. Volh.* p. 31. No. 1018.

Hypochoeris foliis hirsutis, ovatis, saepe dentatis, caule plerumque unifloro. *Gmel. Fl. sib. II.* p. 38. No. 31.

Hab. in pratis et subsylvaticis frequens (*L. M. B.*). *Fl.* Jun. 4.

2. HYPOCHOERIS GRANDIFLORA. *m.*

H. hirta, caule subunifloro folioso stricto apice incrassato, foliis oblongis dentatis; caulinis amplexicaulibus, anthodio subhemisphaerico: squamis imbricatis lato-ovatis ad costam setoso-hirtis margine integro subciliato.

H. grandiflora. *Ledeb. Ic. pl. Fl. ross. alt. illustr. t.* 440.

Hab. in regione altaica rarior (specimen unicum possideo ab am. *Gebler* mecum communicatum; a nobis non observata; — frequentius e *Davuria* accipi, ubi in locis montosis lapidosis crescere refertur). 4.

Caulis subpedalis, erectus, strictus, a basi ad apicem foliosus, striatus, plerumque uniflorus, subinde pedunculis

axillaribus elongatis foliatis unifloris auctus, undique hirtus, aut apicem versus demum subglabratus. Folia omnia hirta, dentata, acuta vel obtusa; *radicalia* oblonga, basi attenuata; *caulina* oblonga vel ovato-oblonga, amplexicaulia, versus caulis apicem sensim decrescentia. Flos speciosus. Anthodium subhemisphaericum; *squamis* imbricatis, ad costam mediam setis crassis obtectis, caeterum subglabris, margine integro subciliato; *intermediis* lato-ovatis, obtusis; *exterioribus* minoribus et plerumque angustioribus; *intimis* magis elongatis, acutis. Corollulae aureae. Paleae ad basin acheniorum fere vaginantes, lanceolato-lineares, apice curvatae. Pappus plumosus.

H. helveticae affinis, sed diversa: superficie totius plantae hirta, caule ad apicem usque folioso et praesertim squamis anthodii, quae in nostra latiores, praeter costam setosam subglabrae et margine integro, in H. helveticae contra angustiores, ex toto pilis mollibus obtectae et per totum marginem in dentes profundos dilaceratae sunt.

An pappus disci stipitatus sit, in nostris speciminibus nondum videre licuit; sed maxima affinitas cum H. helvetica huc referre suadet.

415. CICHORIUM. LINN. (L.)

LINN. *gen. pl. ed.* SCHREB. II. p. 536. No. 1251. —
GAERTN. II. p. 357. t. CLVII. f. 5. — LAM. *ill. t.*
658. — SCHKUHR t. CCXXVI.

Anthodium duplici serie. Receptaculum papillosum aut setosum. Pappus paleaceus.

1. CICHORIUM INTYBUS. Linn.

C. caule scabro, ramis dichotomis patentibus, foliis inferioribus runcinatis, floribus fasciculatis, pedunculo solitario elongato abortiente.

C. Intybus. Linn. *Willd. Spec. pl.* III. p. 1628. —
Spreng. Syst. veg. III. p. 671. No. 1. — *Sievers in*
Pall. n. nord. Beytr. VII. — *M. a Bieb. Fl. taur.*